

## 一字诀玉连环

### 一字诀玉连环序

老子云：“祸兮福所倚，福兮祸所伏，孰知其极，是何祸福？”圣人犹难，况兀兀之众？岂能前期之得失，察品物之情状者哉？此阴阳者流不阙于世也。黄帝轩辕以中式开天下聋瞽，虽为其书，而得其妙用寡矣。近世徐次宾潜心斯道，为人稽吉征凶，委曲详悉，遂将所得述成一书，题曰《一字诀》，十五门互相发挥，循环不止。又曰《玉连环》，宝之云意。九逸仙人见其简略，慨然详注，览之者寻源讨流，不待《金匱》、《玉函》，已造会要。

金大定二十一年，岁次辛丑，孟冬朔日，翠微樵隐王顺谨序

按：南宋孝宗纪辛丑淳熙八年 金大定二十一年

### 六壬一字诀玉连环目次

#### 课式体要

时为日干财章第一

时为日干马章第二

时为日贵日德日禄章第三

时为日干三合六合章第四

时为日支三合六合章第五

时为日干六害章第六

时为日支六害章第七

时为日空亡章第八

时为日墓章第九

时为日干冲章第十

时为日冲爻章第十一

白日得夜时章第十二

时为日刑章第十三

时为日劫煞章第十四

时为日破章第十五

附：

变体门 论六庚日伏吟辨 姓字 定十二支相貌法 十干形貌 占人形貌

六壬一字诀玉连环目次终

### 六壬一字诀玉连环

#### 课式体要

## 庐溪徐次宾述

中式大体有八门，一曰先锋，二曰直事，三曰外事，四曰内事，五曰发端，六曰移易，七曰归计，八曰变体，曰时、日、辰、年、命、三传也。

先锋门者，谓所占之正时也，为财、为合、为刑、为害，不待运式而先有所主，故曰先锋门。

直事门者，谓天上正时也。假令甲日未时为日下之财。若小吉上乘天空，是虚妄干财也。谓天上正时将直事，故曰直事门。

外事门者，以日干为外也。若时与日合为外合，若时与日害则主外忧。盖日为阳、为尊、为外事，故曰外事门。

内事门者，以辰为内也。若时与辰害则内忧，若与辰冲即主内动。盖辰为阴、为卑、为宅、为内事，故曰内事门。

发端门者，初传是也。假令正月占事，若用起大吉丑，即为过去事；用起功曹寅，即为目今事；用起太冲卯，即为未来事；以其为灾福发用之端，故曰发端门。

移易门者，中传是也。谓如初传凶，中传吉，即移易其凶象，变而为吉，故曰移易门。

归计门者，末传是也。如四月甲日占事，而用传见申酉，末传见午，即主五月内无事，故曰归计门。

变体门者，人命之事也。谓四课虽同时而人命不同，以人命所见神将各异，故变其卦体，所主灾福亦不同，故曰变体门。

凡占一课，八门之内须要消息详审，择其精要而断之。若习之不正，择之不当，则毫厘之差，千里之失。当首立此章以明课体之要，次标假令以明课式之用，故学者于此当尽心焉。

### 时为日干财章第一 主求财

凡时为日干之财，更乘旺气，得吉神良将，上下相生，定主干财之事。若式中得斩关、游子发用，子干白虎，必是出入干财。若式中见兄弟爻，上得吉将，便言同人干财。若日落空亡，或上见天空，便言财为等辈取也。或失财，或被等辈收也。若上得朱雀、勾陈、白虎为鬼，便言争财之人。若见天空、空亡得，必是空手求财也。若财在日上，乃手内之财，名为出门见财。若太阴乘财与日三合六合，主得阴人财。若见玄武临财，防盗；更见鬼贼，定是失财。凡财乘旺气，是目下之财；相气，是将来之财；休气，是过去之财，或为旧财，或于有疾病人处求财；囚气，系无力之财；死气，是关死人之财。

欲知财数，以神将上下相乘，不用他人之干也。亦量旺相休囚、相生相克加减言之。

假令乙亥日申将未时

空 虎 常 玄

午 未 申 酉          蛇 贵 空 龙          财 丁丑 蛇

龙巳          戌阴          丑 子 午 巳          兄 戊寅 朱

勾辰          亥后          子 亥 巳 乙          兄 己卯 合

卯 寅 丑 子

合 朱 蛇 贵

三传丑寅卯，将螣蛇、朱雀、六合，来意主出外取索旧财两重，系丑年交易，其钱三百二十贯，至六月得钱五十六贯，至十二月再索，乃有口舌相争，却得一姓董人和劝，其财尽得。

何以知出外取索旧财？缘时为日干财，直事门见白虎，主道路。又发用大吉，亦为日干之财，大吉土“土”（吴本、韩本俱作“上”）。无气，故言出外取索旧财两重。

系丑年交易者，发用大吉为丑年也。

言三百二十贯者，盖大吉八数，螣蛇四数，相乘得三百二十贯也。

六月中得数五十六贯，何也？盖时为日干财，小吉八数，白虎七数，相乘得五十六也。缘白虎无气，又未为六月建，故于六月中先得五十六贯也。

至十二月再索有口舌相争，得姓董人和劝，尽得之，何也？盖发用大吉为财，应十二月；中传功曹为等辈，上得朱雀，主口舌争竞；末传卯主千里，六合为草头，配成董字；六合主和，故得姓董人劝和。

假令壬申日申将午时

朱 合 勾 龙

未 申 酉 戌          虎 龙 阴 常          兄 甲子 虎 ⊙

蛇午          亥空          子 戌 卯 丑          子 丙寅 玄

贵巳          子虎          戌 申 丑 壬          官 戊辰 后

辰 卯 寅 丑

后 阴 玄 常

三传子寅辰，将白虎、玄武、天后，来意主人出外，东南上干财。因一姓崔人成合交易，其人内怀欺诈，终不敢发。又有一属狗人姓王欲相侵害，终而自解。

何知出外？盖发用神后，将得白虎，主道路。又天罡临斩关，故言出外也

何知东南干财？缘时为日下之财，先乘螣蛇，下临辰，故言东南干财也。

何以知人姓崔？以未传天罡为山，加寅配艮为垒土，艮数八，合而为人字，以山配重土，又有人傍，是崔字。

然天罡为日鬼，何以言姓崔人成合交易？缘天罡临寅，自受其制，又为中传功曹制之，故不能为鬼。

遏为我助，怀欺诈而不能害也？缘天罡为虚诈之神，克日，故主欺诈也。赖中传寅木制之，不能发用也。

申上天魁为属狗人，日上大吉为姓王人，皆为今日之鬼。而侵害自解者，缘日落空亡，彼不见我，将与谁争也？

### 时为日干马章第二 主出入之事

驿马者，传送之神也。主道路出入，若不落空亡、天空，定主出入也。若马为日干之财，主因财出行也。若马见白虎发用，休气所乘，主紧速疾病。若时为日马带鬼，或式中更见勾陈、朱雀刑克于日者，因出入有官事，或往他处衙门动官，不然是急速官事。若驿马为贵人，式中见朱雀、太常，与日三合六合，官员差除，或驿递文字，或式中见关，缘有格不出入。伏吟近出，便出而便归也。反吟则反复出入，千里之行也。若得进游子卦，有天涯地角之行。如斩关、三交，更得凶将，主避罪逃亡也。

假令壬辰老人占，癸丑日将亥时返吟

勾 合 朱 蛇									
亥 子 丑 寅		朱 常	朱 常		官 丁未	常			
龙 戌		卯 贵	丑 未	丑 未		官 癸丑	朱		
空 酉		辰 后	未 丑	未 癸		官 丁未	常		
申 未 午 巳									
虎 常 玄 阴									

三传未丑未，将常、朱、常，此人因酒食过多，伤损肝胃，并下孟血痢；又小肠不通，添心腹胀满，用药不效，饮食不进，旦暮而死。

何以知酒食伤于脾胃？盖日上小吉主羊酒，太常主筵宴，土主脾胃，各乘休气，故言酒食伤于脾胃也。

又何知下痢，小肠不通？缘癸丑水变为痢，故言下痢。三传皆土，故癸水不能流行，故知小肠不通。

心腹胀满者，癸亥水不能外行也。

何知药不能效，饮食不进？盖小吉为药，太常为饮食，即为日鬼，故药不效，食不进矣。

言旦暮死者，盖时日马卦，返吟游子，未为旬中六丁，丑时为日马，老病得之，岂能出入？当是阳魂乘驿马、六丁，游于天涯地角之外，其病身一虚壳耳。又命上乘丧魄，与三传俱是日鬼，以四鬼守虚壳，岂不应旦墓而死者乎？

假令壬戌人，辛酉日午将申时， 合 朱 蛇 贵  
卯 辰 巳 午 蛇 后 贵 阴 官 戊 午 贵  
勾 寅 未 后 巳 未 午 申 父 丙 辰 朱  
龙 丑 申 阴 未 酉 申 辛 财 甲 寅 勾  
子 亥 戌 酉  
空 虎 常 玄

三传午辰寅，将贵朱勾，来意因藏有夫妇人，事败露到官，旬日案成，累罪断徒五年，杖一百，丁丑日决之，发邻州居住。

何以知之？盖本命日上见太阴，主伏匿阴人不正之事。阮（申）在我本命日上，故知藏匿妇人也。

何知事败？盖先锋门胜光为发用，上见天乙为今日之鬼，故言事败到官。

何知旬中案成？时日主于紧速，故言旬日也。

何知徒罪五年？盖传天乙克日干，中传天罡，得朱雀火神，又为今日之鬼，末传勾陈又是凶神。此课伤日，始末俱凶，又辰午为两重自刑。古经云“三刑弃世，二刑徒递。”今日徒五年是也。

何知丁丑日断发邻州居住？缘丁马为一今日之鬼，又为日刑故也。

带疮行路艰难，住邻州者，盖为日上鬼见马也。

### 时为日贵日禄日德章第三 主动官事

贵德禄三神者，异名而同体，谓显有德，享有禄，皆为贵官之象也。若三神带财，多为官场之财，或托有官人干财。若被刑带害，传中有凶将，定入官府争财。若三传神上带吉半，传中见青龙、六合、太常，为日之三合，不见刑鬼，仕人加官；秀士及第；庶人得之，见官得理，或得上人提挈。若式中见昼夜贵人全者，主两得衙门。若卦中遥克、反吟，中传见天马，即知他处衙门官动也。

假令癸巳人，丙子日申将酉时

龙 勾 合 朱  
辰 巳 午 未 后 阴 空 龙 子 甲 戌 后  
空 卯 申 蛇 戌 亥 卯 辰 财 酉 贵 ◎

虎寅 酉贵 亥子辰丙 财 申蛇 ◎◎

丑子 亥 戌

常 玄 阴 后

三传戌酉申，天魁临亥为用，卦名知一，来意本人于家西耕开荒地一段，种麦子，上麦熟时，有带官人刈麦。曰：“是我之地。”相争到官，劝和，得麦一半，归其地。

何知家西开荒地种麦？时缘日下之贵，又为日下之财，又为日下之合，故言外也。酉既为日下之财，不言金玉而言麦者，人事也。若妇人占当有金玉首饰之物，今以老农五月占此，酉主小麦，既为日下之财，故言麦也。

言家西，谓酉，西方也。

何以带官人争麦？谓直事门为仲，中传上见天乙，故为带官人。

何知相争到官？盖日上见天罡，为自己怒恶。又时为日贵，中传又得天乙为动官之象。

何知劝和分麦？盖时为合，外卦得比用，故知和合。申酉时为财，乃日空亡，既落空亡，只得一半矣。

假令癸酉人，丙戌日未将亥时，

勾 龙 空 虎

丑寅卯辰 龙玄贵勾 财乙酉贵

合子 巳常 寅午酉丑 兄癸巳常

朱亥 午玄 午戌丑丙 子己丑勾

戌酉申未

蛇贵后阴

日遥克从魁，三传酉巳丑，天将贵、常、勾，来意事主西北上远行理会，自己差遣文字，并无难阻，得差遣必是近任，八月内丁酉日还家，当月得俸。本州岛太守决是一刚毅正直之人，以刘为姓，主太守美爱而有聚财之庆。

何知西北远行？盖时为日下之驿马，与天马并，登明为西北下为远行。登明为日贵，上乘朱雀，主文字贵人，乘马有文字之象，岂不是自己差遣文字也？

何知一路并无难阻？式中无关格故也。

何知近任？命上见天恩，日上见官爵，又用传俱是三合，故知近任。

何知八月丁酉日还家？从起从魁，末传大吉为归计门，下临酉，上丁字，故知丁酉日也。众魁为日之财，故主八月得俸。

何知太守为刚毅正人？缘癸酉太乙乘酉属金，主义，故知刚正，酉为金刀

，故姓刘。

何知太守美受？盖天乙与日三合。

何知有聚财之庆？谓卦体属金，为日之财也。

#### 时为日干三合六合章第四

六合者，为月宿合神；三合者，为五行本局之神。以日为阳为尊，主外事。若正时与日干六合三合，定主外事和合。若合中带财，吉神良将主外财和合事；或妻妾和合事，盖财亦为妻妾也。若见天后、太阴为日与日为鬼，日辰传重见鬼者，必是因外面阴人和合上致生官事。若见空亡，或天空，是虽败露，无咎也。若命中带破，日辰传中复见必凶。

假令己未辰将午时

合	勾	龙	空						
卯	辰	巳	午	合	龙	合	龙	兄	丑 蛇 ⊙
朱寅		未虎		卯	巳	卯	巳	父	丁巳 龙
蛇丑		申常		巳	未	巳	己	父	丁巳 龙
子	亥	戌	酉						
贵	后	阴	玄						

卦得八专，三传丑巳巳，将蛇、青、青，来意主南面上有属马妇人来往事败，忌一姓孙人，主大惊恐，坏钱十一贯，至庚申日即无事也。

何知南面与妇人来往？盖午时为日干六合，卦名八专，主淫乱。又午时属马，为南方也。

何知事败？缘日上见太乙，得青龙木将上日为鬼故也。

何以忌姓孙人首惊恐？用大吉主姓孙，螣蛇主惊恐。

何知坏钱十一贯？缘日上青龙主财帛七数，太乙为四数，共十一数也。

庚申日无事者，盖青龙为鬼，至庚申日死绝，又为庚申所克，又申上有天空，故知庚申无事也。

假令丁丑人，己卯日申将午时

龙	勾	合	朱						
未	申	酉	戌	龙	虎	蛇	合	财	乙亥 蛇 ⊙
空午		亥蛇		未	巳	亥	酉	兄	丁丑 后
虎巳		子贵		巳	卯	酉	己	官	己卯 玄
辰	卯	寅	丑						
常	玄	阴	后						

三传亥丑卯，将蛇、后、玄。来意主外和合中虚诈、不实、邪僻之事。又主财上有惊恐之象。其财却为一姓牛人夜取其财。又有驴一头，亦被姓牛人所有，意欲远行，缘心有所畏，紧速而归也。

何知外和合中虚诈之象？时为日干六合，主外和合。直事门上见天空，主虚诈。又曰从魁主三交隐匿不明，上得六合，主私门，故言邪僻事。

何知财上有惊恐之事？盖发用有登明为目下之财，上见滕蛇，故主惊恐。

何知青衣姓牛人取其财？缘中传大吉为牛，上见乙字，乙为青色。大吉为取登明为财，故财为牛姓所取。

何知其驴亦为姓牛人所取？盖命上见太冲为末传，太冲主驴，上见玄武为贼人。盖卯为大吉之阴，下临场面位故也。

何知来意欲远行，心有所畏，紧速而归？盖先锋门胜光主道路，用神立卯酉，中传大吉为天马，与日刑并，故意欲远行。缘末传为人足，太冲为日鬼，上见玄武，为贼人，故心有畏，紧速而归也。

#### 时为日三合六合章第五 主内和合事

辰为阴，主内动。时为日支三合六合，主内和合事。若式中见子孙爻乘旺相气而带吉神者，添进子孙，或子孙上有和合事。若支神合中带鬼，上见勾陈、朱雀，卦得乱首、绝嗣，定主眷属仇讎，为内事争竞。若仕人得之，主同僚不睦，公吏等辈相陷。若支合并贵禄德三神，式中见官鬼，必因内事起官府词讼。若时与日辰俱合者，为两动，主内外和合事。若式中八门所主来意为外事，以此故只言外事也。

假令壬申日申将辰时

勾 龙 空 虎			
酉 戌 亥 子	后 虎 朱 阴	官 辛未 朱	
合申	丑常	辰 子 未 卯	兄 亥 空 ⊙
朱未	寅玄	子 申 卯 壬	子 丁卯 阴 ⊙
午 巳 辰 卯			
蛇 贵 后 阴			

三传未亥卯，将朱、空、阴，来意因家内不和，其妻姓王，刚暴、口舌、争斗，因此休弃。后因生子而复还合也。

何知内事不和？缘时与日支三合带鬼，主内不和，天后为妻，乘天罡下临子，故知姓王。天罡主欺诈恶人，故主妻性暴。因口舌相争罢亲者，为门户上发用，朱雀主口舌，占时与初传同克日，自落空亡，不能相争，故知罢亲也。



何知生子复还合？卦得曲直，属木为今日子孙爻，时为日支合用传为日干合，内外俱合之象。向之所为占时传，传上为鬼，今子孙制之，是因生子还合也。

假令丙子日申将丑时

合	勾	龙	空						
子	丑	寅	卯	龙	阴	阴	合	官	丙子 合
朱亥		辰	虎	寅	未	未	子	子	癸未 阴
蛇戌		巳	常	未	子	子	丙	父	戊寅 龙
酉	申	未	午						
贵	后	阴	玄						

三传子未寅，将六、阴、龙，来意事主内外和合，主添妻妾之庆。

何以知之？缘日干与时三合，与支六合，故言内外和合事也。日上神后水，时上天后水，主言鬼者，缘直事门大吉上得勾陈土，为今日子孙，死绝之水岂能为鬼也？

何知妾媵？盖太阴主妾媵，六合主婚姻和合，青龙主喜庆，此课始末俱吉，岂不是喜合添妾媵之象也？

时为日干六害章第六 主外忧

十二辰横为六合，纵为六害，若时与日干六害者，为刑害之象，故主外忧也。若壬丙二日时为六害者，主因尊亲人挟势相害而有外忧也。乙辛二日时为六害者，主因兄弟等辈在外相害而有忧也。庚甲二日时为六害，主幼小相害而有忧也。癸己二日时为六害者，主因外财而有忧也。若丁日得之，主北面有破损之忧。戊日得之，惧攻劫战伤之祸。临时更于课式之内以神衰旺通而论之。

假令癸丑巳将午时

蛇	贵	后	阴						
辰	巳	午	未	空	龙	空	龙	官	癸丑 勾
朱卯		申	玄	亥	子	亥	子	兄	壬子 龙
合寅		酉	常	子	丑	子	癸	兄	辛亥 空
丑	子	亥	戌						
勾	龙	空	虎						

三传丑子亥，将勾、龙、空，来意因当日丑时三人巡更，与地方中姓马人相争。来日申官。因一姓孙司吏为鬼，三人并遭杖责。

何知当日丑时？发用大吉，便为今日丑时。

何知三人夜巡？今日癸水与式中子亥等辈，便为三人。言丑时相争，便言夜巡也。

何知姓马人相争？直事门胜光，为姓马人，胜光为日下之财。

何言相争？与日为六害，又发用勾陈为鬼，岂不相争也？

何知姓孙人吏？缘发用大吉，场面为佃丝，中传神后与子相配成孙字，大吉与勾陈克日，故知忘吏孙姓人。

何知三人俱受杖责？以今日癸与子亥俱属水，为大吉所克。又勾陈为杖棒，末传虽有天空亦克今日，故言俱受杖责也。

### 时为日支六害章第七 主内忧

辰为阴，主内事，时既害之，定主内忧也。若见玄武、六合临门，防盗贼窥财、婢妾蒙蔽而为内忧。若螣蛇临门，主家室不宁，更变迁徙而主内忧。若式中见白虎乘休囚之气，必主家内有人患病，若临子便是属鼠人病也。若六害上见天空，或落空亡，虚忧不成。若阴人占，式中见子孙爻，或嗣部上带螣蛇，主因身孕而有惊忧也。若男子占，必因子孙而致忧也。

### 假令庚子日卯将未时

贵	后	阴	玄									
丑	寅	卯	辰	玄	龙	蛇	玄	子	庚子	蛇	⊙	
蛇	子		巳	常	辰	申	子	辰	兄	丙	申	龙
朱	亥		午	虎	申	子	辰	庚	父	辰	玄	⊙
戌	酉	申	未									
合	勾	龙	空									

三传子申辰，将蛇、青、玄，甲子阴人占。来意因三月胎气不安，而有惊恐，至十一月喜见生子，子母俱庆。

盖发用起神后，为今日之子孙，上见螣蛇，为日下之鬼。下临辰墓而为三月，故胎气不安而有惊恐之象。至十一月见喜生男者，中传送为嗣，却上得青龙吉庆，下临子，故应在十一月。又天罡所系与日比阳，三传日辰俱阳，故生男也。子母俱庆者，三传与日辰为三合，虽有螣蛇克日，卦得润下属水，又日上有玄武水，其四水乘旺相气而为救神，其蛇不能害也。

### 时为日空亡章第八 主望空用事，或无用也

空亡者为虚气无象也。若用时神、正时得之，主占无用事，或虚诈之事。若式中见三合六合、龙常后合，主虚望喜事不成。惟病讼门以空亡为最吉。凡占失物，其类落空亡者，不能得其物。占失奴仆，天魁落空亡，其奴仆亦不能

捕矣。如日支干落空带鬼者，主相争之人不足畏，盖空而无力也。访人不利见，亦不利于托人。如今日落空亡，虽三传为鬼，上挟凶神而欲相害我，既在空，彼不得见，将与谁争？空亡中见太阴，多是虚诈设谋，见玄武是盗贼窥财也。

假令戊戌人，甲戌日辰将未时

蛇朱 合 勾

寅 卯 辰 巳	合 空 虎 阴	官 申 虎 ㊀
贵丑 午 龙	辰 未 申 亥	子 辛 巳 勾 ㊀
后子 未 空	未 戌 亥 甲	兄 戊 寅 蛇
亥 戌 酉 申		
阴 玄 常 虎		

三传申巳寅，将白、勾、蛇。来意事缘七月中劝和公事到官，以所得财物检法，拟定徒罪。上申，至来年正月文字来，只得杖罪，以寄作月日相折无事。

何也？盖时为日干财，并日贵，又发用申为日空，上带白虎，又为日刑，中传太乙上得勾陈，与日为刑害，末传得螣蛇。此课始末俱凶，主重刑。

而只言拟定徒罪者，缘直事门得天空发用，二传临空亡而不能解散。而言拟定申上者，盖时来解也。缘白虎乘秋正旺而又为刑害，故方拟定徒罪也。

何知正月文字来，只得杖罢，以寄居作日月相折无争事而出者？盖七月白虎鬼旺，至十二月支干并无制，白虎者至来年正月建丙寅，白虎传送金至寅死绝，又为旺火所制，又太乙螣蛇火至此俱旺，共为救神，又卦时本是空亡，故知正月无事而出也。

时为日墓章第九 主干田土或他人莹坟事

四季者五行所钟，万物所归，故曰墓也。若正月时得之，更在用传，定主坟墓之事。或式中带鬼与凶将并，定是坟墓争讼。若见财神旺方，不落空亡，主得坟墓占窖之财。用传俱土虽不见墓神亦可言坟墓事。有天马六丁者则为游子之卦，若水日占之，人土乘旺，财事与家人相争。若木日得之则为动众之财，若墓神临日占病见之最为凶象也。

假令己丑日巳将辰时

空 虎 常 玄

午未申酉	合朱玄常	官庚寅朱
龙巳	戌阴	官辛卯合
勾辰	亥后	兄壬辰勾
卯寅丑子		
合朱蛇贵		

三传寅卯辰，将朱、六、勾，来意主正月间与一姓杜人争田土事。又有一姓蔺人与姓杜人挟势相助，却得一姓张贵人力。只于七月间务了毕。

缘时为日墓，又直事门见勾陈，故言争田土事。发用寅木与丑土为杜字，为日干之鬼，上得朱雀，主口舌文字。又寅为正月，故知正月与杜姓人相争也。又言蔺姓人相助者，中传卯为门，六合为草头，临寅住为佳字。卯寅为等辈，故相助也。日上得传送为今日贵人，上得太常吉将，其寅卯二木传送为弓为道为张字，故方姓张贵人力。传送为七月建，故七月事务毕也。

### 时为日干冲章第十 主外动

以日为外，用时与日冲，主外动，此其大略也。若壬日、戊日、庚日，得时为日冲，并驿马，附财，主外动干求；若甲日得之，即为甲之鬼，主外动破财吉；若丙日得之，则亥为丙之贵马，仕人主迁官历任。其余阴干仿此推之。

假令十月戊辰日寅将亥时

蛇朱合勾			
申酉戌亥	合贵勾蛇	财亥勾	◎
贵未	子龙	戌未亥申	官丙寅虎◎
后午	丑空	未辰申戊	父己巳阴
巳辰卯寅			
阴玄常虎			

来意主西北上，出入干财，有李姓人无发者，暗为鬼贼，其事自解，其财不得，主空回也。

何知西北上出去干财，先锋与发用皆亥，亥主西北，又为日财日马也。

何知李姓无发者为鬼贼，盖中传功曹为木，下临壬水，配合为李字也，白虎主无发鬃人。为日下之鬼，故知此人为害也。

言自解者，经云：鬼自受制忧将自救。寅为日之鬼，上得白虎金制之，故曰自解也。

其财不得而主空回也者，盖发用登明为空亡，虽为日下之财，而正时自为空亡，岂不是空回也。

## 时为日支冲章第十一 主内动

一气所冲如物当风，岂有安息。日为占人，辰为所居之宅，又为卑下，时为辰冲，故主内动，若辰上神更值白虎凶神，主宅不可居、卑幼灾难。若不内动即主与我相争、他人疾病，盖辰亦为他人也。若从革返吟，定主移宅；八专日辰同居一处，若正时冲之，名内外俱乱，主男女俱淫乱、逃难奔窜，其灾祸更于课式中互换取要而言之。

假令十一月癸卯日丑将酉时

空	虎	常	玄						
酉	戌	亥	子	常	勾	空	朱	父	丁酉 空 ⊙
龙申		丑阴	亥未	酉巳				官	辛丑 阴
勾未		寅后	未卯	巳癸				财	巳朱 ⊙
午巳	辰卯								
合	朱	蛇	贵						

来意主西南近寺，与姓周老阴人争竞，后移东北近庙居住。

盖先锋门与日支冲而又发用，主宅不安，中传大吉为日下之鬼，下临酉为寺，合酉为佛为金仙，又酉为西方，大吉得太阴，主老阴人争竞，因此家宅不安，太阴主口舌事，大吉为土，地盘酉为兑，主口舌，以大吉下，见吉配合为周字，故曰西北近寺，与姓周老阴人争也。辰为宅，时既冲克之，不安之象，何以移往东北近庙居住，盖卦得从革，革故鼎新，从革本主西南，而运东北者何也？盖大吉临酉为日鬼，畏其鬼不敢往，末传太乙，得朱雀为日下之财，下临丑，丑主庙，故言往东北近庙居住，丑为天乙本家，故言庙也。

## 白日得夜时章第十二 主事不明，占病重

日之后阳气伏匿，阴刑盗贼聚于此时也，此课得夜时，多主暗昧不明之事。若卦得三交，即是交加不明之事，占病重大；更得天后、太阴，主蔽匿奸邪之事；式中见玄武，主盗贼不明之事；若关财爻，即是财不明之事。夫病症，易明医者易治，病症难明医者难治，凡得夜时而卦值得三交，病症难明故重大也；若式中见青龙、天后，多是因妇女得病；若天空、太阴为鬼克日，为人算得病；见朱雀、勾陈，因官司文字、口舌争斗得病；见亥子或润下，近水落水得病，不然因伤于饮酒而胃虚下痢，脚膝沉重之病，若是妇人定是经水滞涩、赤白带下之病；见寅卯木神，多是左股虚风之病，若木旺合曲直，定是脾胃

虚弱，盖木旺则土受制也；见申酉，多是右股伤折或膈中之病，若金旺合从革，多是筋骨折伤、肝胆虚弱、筋脉拳搐，盖金旺则伤木也；四土神，多是脏腑蔽塞不明之病，若水日见旺土合稼穡卦定是小肠不通，心肠虚胀，多传为蛊种之病，妇人经脉滞涩，男子肾脏虚也；若水上得火神，多是下部虚寒泻痢，上焦虚、热躁渴而欲饮水，后传为血痢也；若火上得水神，因停饮而血痢也 或心腹疼痛盖或为心胞络也；若金上见火者，定是膈上有热，咽喉舌颊窄闷喘促而有疮也；若水上见土，下部有积块；土上见水，脾胃上有冷痰。白虎乘休气为子孙者，定是子孙病；为妻爻定是妻妾病；若临本命上或日上，定是己身病也。临时更于八门课式中取其与日为鬼，为刑，为害，带何凶杀，位上所得何神将，参以休囚旺相断之，方能尽妙矣。

假令七月乙巳日巳将亥时 辛酉人占

合	勾	龙	空				
亥	子	丑	寅	玄	合	常	朱
朱	戌		卯	巳	亥	辰	戌
蛇	酉		辰	亥	巳	戌	乙
申	未	午	巳				
贵	后	阴	玄				

来意家中内属鸡小儿病，心腹疼痛、血痢频并，脉气相反，病症反复，身体羸弱，只得脾胃气壮，而善进饮食，至九月节病势反增，至甲子日，脾胃因不能进食不可救也。

何知家内属鸡小儿病？盖时为日支冲克，主内动，又用起子孙爻死临绝，故主小儿病，白虎临酉，故知家内属鸡小儿病也。

何知心腹疼痛、血痢频并？以巳为心胞络，上得元武水，克于火，故知心腹疼痛也。巳主血应赤色，水主黑色，水火相杂故曰血痢。末传又得巳，故知血痢频并。脉气相反者，用起火，故脉气相反也。病症反复者，卦得返吟也。身体羸困者，以值事门与中传是亥，亥为幼子见六合为棺财，又用起死气，故知羸困也。

得脾胃气吐壮而进饮食者，缘日上戌土，上得朱雀火，火生土，土主脾胃，故壮而进饮食也。

何知九月病势反复增，缘中传亥八月为解神，九月则非解故也。甲子日胃困不能饮食者，缘日上戌土主脾胃，甲子旬空亡而脾败而无力也。

言不可救者，所赖解神与胃气，今既无解神，又脾胃气落空亡，故云不可救也。

假令四月戊寅日申将酉时

合 朱 蛇 贵					
辰 巳 午 未	虎 空 勾 合	财 丙子 虎			
勾卯	申后	子 丑 卯 辰	财 乙亥 常		
龙寅	酉阴	丑 寅 辰 戊	兄 甲戌 玄		
丑 子 亥 戌					
空 虎 常 玄					

来意主外望北面阴暗之财,为一王姓人所把,其人怒恶两分其财也。

盖时上为日干三合,与空亡并又为夜时发用,亥子北面,值事门上见太阴主蒙蔽,神后登明俱为日下之财,又亥子为阴私,故知望北面阴私之财。

何知姓王人所把?缘末传见天魁属土,下临亥属水,水数一,一土为王字,天魁为奴,上见玄武,天魁亦取亥子为财,故为王姓所把。

及本人怒恶,日上见天罡主怒恶,言两分其财者,戊与戌俱取,二人为财拘也。

假令四月丙辰日申将丑时 丙寅人占

合 勾 龙 空					
子 丑 寅 卯	玄 朱 阴 合	兄 戊午 玄			
朱亥	辰虎	午 亥未 子	子 丑 勾 ⊙		
蛇戌	巳常	亥 辰 子 丙	财 庚申 后 ⊙		
酉 申 未 午					
贵 后 阴 玄					

来意主与邻右无子妇女暗合事败,不到官,至戊午日辰时,无事。

何知邻右?卦得比用。

何知无子妇人暗合?盖丑时为日干三合,传送为日干六合,带天后主厌翳,六合为私门,又用起元武,名洸女卦,岂不是阴暗私通,申为嗣部,上得天后子水为旬空,故知无嗣妇人也。

何知事败?缘日上神后水为鬼,初传玄武、末传天后水,共来克日,焉得不败。

何知终不到官,日上鬼空,又时空亡也。

何知戊午日辰时无事?缘值事门与中传大吉上得勾陈二土克水为今日救神,戊午日戊和勾陈大吉三土俱旺,至辰时水气绝墓,观二字加辰故知辰时无咎也。

时为日刑章第十三

日刑者，谓寅刑巳，巳刑申，申刑寅名无恩刑，丑戌未名恃势刑，子刑卯，卯刑子，名无礼刑，辰午酉亥名自刑，若壬日得亥时又以日德论，乙日得辰时又以日干之财论，故亥辰不当自刑，午酉子卯无日干相寄，亦无日刑也，若甲日得巳时主速动外忧事，盖刑害兼全也。若丙日得申时，则主外动紧速和合事，为刑中有合也，若庚日得寅时，寅木乘旺气，主东北上有紧速干财事，盖刑中带马也负财故主财也。其余诸刑取类言之。

勾 合 朱 蛇			
寅 卯 辰 巳	合 贵 朱 后	官 戊午 贵	
龙丑	午贵	卯 午 辰 未	财 乙卯 合
空子	未后	午 酉未 辛	子 子 空 ◎
亥 戌 酉 申			
虎 常 玄 阴			

来意主本人欲往运司理会旧房钱，其外动必速，其中一姓马人作鬼贼，却得姓陈人力，至丁亥日见事务定作归计。

何知往运司理会旧房钱？盖胜光发用，上见天乙，为三品衙门，中传太冲主门户，下临午四正，为方象，配为房子，卯上得六合，俱为日下之财，故言房钱，既是三品衙门理会房钱，故言运司。

何知动速，时为日刑又发用，午为道路，又天乙在酉在门，为励德，故知外动必速。

何知姓马人作鬼贼，盖初传胜光为马，为日鬼也。却言得姓陈人力者，末传神后水为曲阜，下临卯为东字，相配为陈字，神后反克胜光日鬼，故言得姓陈人力。至丁亥是见归计者，缘甲申旬午鬼落空，丁合壬与亥水克胜光也，不言戊子日者，缘戊为大杀也。

#### 时为日干劫煞章第十四 主紧速事

魏陵叟曰：乌穷则攫，兽穷则搏，五行穷则绝，故立劫杀之号，所以攻劫也小人，行攻劫必紧速而来，若劫煞上，带元武为鬼克日，传中更与刑害并者，常人俱主贼盗攻劫之祸，若日上救神旺，主贼畏我威而不敢发，若劫煞落空，即主贼盗虚惊之象，若劫煞带吉将与日为合，而式中不见元武，而见日辰合者，主紧速和合事也。

假令六月辛未日午将亥时

朱 蛇 贵 后			
子 丑 寅 卯	龙 贵 朱 玄	兄 癸酉 龙	



合亥 辰阴 酉寅子巳 父戊辰阴  
 勾戌 巳亥 寅未巳辛 子亥合◎  
 酉申未午  
 龙空虎常

来意主酒宴间有姓刘人做媒说亲，一席便成其新妇，必是亥生也。

盖时上见太常，主宴会，值事门见六合，岂不是酒宴，上与子孙说亲也。发用从魁为今日等辈，酉为金刀故言姓刘，上见青龙吉将，主婚姻礼仪之庆，时为劫煞，主紧急，又中传天罡为天马，故言一席便成其新妇，亥生者，以未传登明为子孙爻，故知其亥生也。

时为日破章第十五 主走失

鼎祚联珠经所载占课有忌时，甲乙日忌申酉时，丙丁日忌亥子时，戊己日忌寅卯时，庚辛日忌巳午时，壬癸日忌辰戌丑未时，为日下正财鬼合破为我禄而与我战，故主破财走失之事。若用神更为日鬼者，名天罡课，占病刑狱得之最为凶象，若中末传见者其灾稍缓，若时为日破上见凶神，式中见元武，所乘神遥制元与日为财，合者虽失物而复见也。若时见日破上见凶神，式中见元武，所乘神克财爻者主失物难寻也，若传中见天魁、从魁及太阴天空者，只主奴婢逃亡，若日上神并勾陈，所乘神遥制元武所乘神，受克多主盗贼自败也。若元武乘神与日为鬼，并刑害者带旺相，定主盗贼伤人也，若元武制勾陈，主捕人被伤也。

若土为日破，传得稼穡卦三传，上见白虎、元武乘天马，并六丁，主贼人自远方来，乘骑会叙而行劫也。若水为日破，传得润下卦，带元武者，即主北方乘舟渡水，遇贼损财。若在家，则主贼自北墙水窠中来也。若火为日破，传得巳午炎上卦，主贼自南方窑冶中持火炬来，且放火烧人屋宇也。若金为日破，传得申酉从革与元武并而乘旺者，主贼自西方来，持兵仗伤人，不可当也。若日落空亡则不见是事，若在辰上主伤外人，其贼所藏位方备载前经兹不复录。

假令壬申日申将未时 癸酉人占

蛇朱合勾  
 午未申酉 龙勾常虎 官乙丑常  
 贵巳 戌龙 戌酉丑子 子丙寅亥  
 后辰 亥空 酉申子壬 子丁卯阴  
 卯寅丑子  
 阴亥常虎

来意主在外，因姓王人失了水牛一只，为眼疾老男子老阴人相逐，牵牛往

东北去，其牛终不可得也。

何知在外失牛？盖时日三合故知在外，不言和合，而言失物者，丑为日鬼故言在外失物。

何知姓王人失牛？发用大吉为日鬼，下临子水，水一数配土为王字，大吉为牛，中传功曹乘元武克大吉为贼，岂不是失牛也，言水牛者，月建得壬字故言水也。

何知患目老男子并老阴人，盖寅为老翁，元武为眼疾人，卯上见太阴，主老阴人，寅卯相连故言逐也。言东北者下临丑也。何知终不可见，以占时发用本命俱为日鬼，又日落空亡，故言终不见也。

假令七月壬午日巳将戌时

合 朱 蛇 贵  
子 丑 寅 卯      虎 朱 朱 玄      财 壬 午 玄  
勾 亥      辰 后      申 丑 丑 午      官 丁 丑 朱  
龙 戌      巳 阴      丑 午 午 壬      父 申 虎 ◎  
酉 申 未 午  
空 虎 常 玄

来意主解失驴西北去十三里外，有一姓贾人所得其驴，至甲午日往牛市得信，自往姓贾处收得，至甲午日果然。

盖时为日破上得青龙，发用胜光为日下之财，元武临之本合失马，以胜光无气故言失驴，不言贼而言失者，以财在日上手上不难取也。胜光数九，玄武数四，相并得十三里也。

何知姓贾人收得，未传归计门白虎加申，主西字又主贝字，配成贾字。

何知牛市得驴信，盖甲申旬胜光空亡，至甲午旬填实，又午为日财，故言甲午日复见，而喜壬与申相生，故言自往得驴也。

### 变体门

前贤诸经所载，假令义旨宏深直开捷径，至于日时人事之法、贵贱男女之异，多秘而不宣，所谓书不尽言，言不尽意者，盖欲学者之自得也。盖能尽术之妙不达人事之变可谓学而不思，若能明人事，而不精于达阴阳又可谓思而不学，罔殆之失安可『』也。又古人立次客法，所以待同时而占时不知次客法既繁与正法反相混，犹『』者理乱丝纷然而无绪也。今立此门首革次客之弊，次明阴阳人事之变非笔舌所能尽书，特令一二入禅子参学庶可因言而悟矣。

假令丁亥日巳将午时

龙 空 虎 常  
 辰 巳 午 未      阴 后 空 虎      子 丙 戌 后  
 勾 卯              申 玄      酉 戌 巳 午      财 乙 酉 阴  
 合 寅              酉 阴      戌 亥 午 丁      财 甲 申 玄  
 丑 子 亥 戌  
 朱 蛇 贵 后

一人五十四岁戊申生男子占来意，因其子在外饮酒过多，胃有宿食，冷气得病。

盖时为日干六合，支上发用，本命上俱得子孙爻，乘休气，故为子孙病，命上小吉太常为饮食，并发用，戌为脾胃，上得天后水为冷饮，又值事门得白虎为道路，故云因子孙在外饮食，伤脾胃得病，来占。

一人三十五岁丁卯生男子占来意，因在外与二卑下妇人来往，得气痞嗽血之病。

盖命上见六合为私门，天后主厌翳，中传见太阴主伏匿，天魁从魁主奴婢，上得天后、太阴，故曰与二卑下妇人往来，天后克日、末传玄武又克日，戌酉申俱是日干死墓之乡，丁主心血，故得病嗽血也。

一人八十一岁来占辛巳生来，占来意，因家中走失奴婢两口，得一姓马人往西南追捕捉获。

盖发用天魁主奴，从魁主婢，末得元武临门，为窥户，又值事门上见白虎主道路，卦得斩关主逃亡，今年老有官者来占，岂不是奴婢逃亡也。先锋门胜光为今日等辈，又主姓马人克玄武，故捉获，言往西南追捕者，盖元武阴神所居也。

假令七月甲子日午将申时

朱 合 勾 龙  
 卯 辰 巳 午      虎 玄 玄 后      财 戌 玄 ⊙  
 蛇 寅              未 空      申 戌 戌 子      官 壬 申 虎 ⊙  
 贵 丑              申 虎      戌 子 子 甲      子 庚 午 龙  
 子 亥 戌 酉  
 后 阴 玄 常

来意因西南上紧速追捕一盗贼，坠马折伤右足，感风七日而陨。

盖时为日刑、日破，与日马并，主外动，发用天魁为日下之财，上得元武为盗贼，故知西南追捕盗击也。先锋门传送为中传，作日马带白虎克日，又与日刑杀并，故主坠马也。马加辰戌为跌扑 戌为足，在日辰之右，是伤右足也。白虎为风神，七月申为风煞，故感风也。

甲木秋死而被旺金鬼所克，申为七数，故言第七日庚午，又合起白虎，故知七日陨也，未传胜光，不论救神者，盖秋火已死也。

假令正月甲子日子将寅时

朱 合 勾 龙  
卯 辰 巳 午      虎 玄 玄 后      财 戌 玄 ⊙  
蛇寅      未空      申 戌 戌 子      官 壬申 虎 ⊙  
贵丑      申虎      戌 子 子 甲      子 庚午 龙  
子 亥 戌 酉  
后 阴 玄 常

来意缘失陷官钱，勾唤入官而得惊恐，以致得脾虚下脏之疾，见崇持刀相惊，可移病人于南方设绯幕，至第九日南方，有属马医巫，艾萨克火为姓名，下赤药、艾灸、书朱符，其崇自除也。

何以知失陷官钱而得惊恐？盖发用天魁为财，上得玄武为失财之象，时为日德日禄，主动官，值事门见螣蛇主惊恐。

何知脾胃、下脏之病？盖发用天魁主脾，春土无气，又为甲木所克，故知脾虚也；上得元武水与天魁土内战，故知下脏之疾。

又言崇者，申金在中传为鬼，经云传见魁病必有崇，上得白虎为刀兵，故言见崇持刀相惊，移于南方午上，设绯幕者，南方及绯幕皆火象，能制金崇矣。

末传胜光九数，故云九日。午为马为火，为赤、为灸、为救神，故云医巫也。经云：土丸木散水汤火灸金针，今传送为鬼，若针则加病，灸则病减也，金为日鬼，故宜书朱篆以压之，交春木旺金无气矣，救神乘相气病当瘥也。

假令六月乙丑日午将未时

勾 龙 空 虎  
辰 巳 午 未      后 贵 朱 合      父 甲子 贵  
合卯      申常      亥 子 寅 卯      父 亥 后 ⊙  
朱寅      酉玄      子 丑 卯 乙      财 戌 阴 ⊙⊙  
丑 子亥 戌  
蛇 贵 后 阴

来意事于西北方，承继姓王人财产，相托一属鼠有官人，九月内定成就；又目下西南虚望公财，道路有所畏隔，不敢往也。

盖末传天魁为日干之财，天魁临亥字主王字，发用神后，为日干三合，上见贵神天乙，故知承继姓王人财产，而得属鼠贵人力也。九月成就者，归计戌为九月建也。

又言西南虚望财者，未为日下之财，上见天空主虚诈，又值事门上见白虎主道路。白虎金也，为日之鬼，故畏而不敢往也。

假令六月丙寅日午将未时

龙 空 虎 常  
辰 巳 午 未      蛇 朱 勾 龙      官 甲子 蛇  
勾卯              申玄      子 丑 卯 辰      官 亥 贵 ◎  
合寅              酉阴      丑 寅 辰 丙      子 戌 后 ◎◎  
丑子 亥 戌  
朱 蛇 贵 后

来意主北面，近水酒筵间，与额尖眼小之人相争，又一贵人与彼相助，而欲见官，却得一王姓人劝和无事也。

盖值事门上见太常，主酒饮食，发用亥子为北，又临亥为近水，神后为为日之官鬼，见蛇为眼小额尖之人，中传登明亦为日鬼，见贵人知与彼相助。缘日上天罡，主怒恶，能制亥子水，故知息怒恶而欲到官，卦体比用主和合，末传天魁临亥主王字，故云姓王人劝合。

右前三课而人命不同，次二课而月将不通，后二课而日辰不同，其灾祸所主旺相相生，悬隔学者，悟此可以得之也。

六庚日伏吟辨

六庚日伏吟者，古法以申寅巳为三传，又书以申寅申为三传，余尝谓刑始于寅终于申。甲戌丙日当尽三刑，庚日先刑而后冲也。

壬寅秋七月，余以陇西公事匿村落中，父即求课于元公，得庚午日午将午时，三传申寅申，将虎蛇虎。

勾 龙 空 虎  
巳 午 未 申      龙 龙 虎 虎      兄 壬申 虎 申虎  
合辰              酉常      午 午 申 申      财 丙寅 蛇 寅蛇  
朱卯              戌玄      午 午 申 庚      官 己巳 勾 申虎  
寅 丑 子 亥  
蛇 贵 后 阴

至壬申日勾唤予妻到官，以中传寅为妻爻，为用申所克也，予于是日避难赴官出头，盖传送白虎俱为道路，故壬申日动也。背予妻回家予下村去，至戊寅日唤予至州，盖应中传寅字，为庚日之驿马也，至乙卯日间，陇西公承服予复下村去，至壬午日断讫。

盖庚日课中正是谓螣蛇至壬午日制之，又发用申与白虎俱是七数，二七十四数，彼以己巳日入州，壬午日事毕，盖是十四日也。戊申日予始归，盖末传

申为归计，申乃庚之本位，故申日至家也。先锋门为日破主破财，又中传寅为财爻被初末二申制之。传送主姓张人，先锋门午亦主姓张人，案吏姓张，住正南胜光也。占亲人请客亦姓张住西南，传送也。破财二十七数，同前数也。予父经两丁月对问应予命上大吉为父母爻，见天乙主动官也，所居村去州七里，连高阜盖中传寅为东北，为七里建得戊字寅配艮为山得戊寅即阜也，村名黄村，戊土黄也，申数亦七，而只言七里者，伏吟主近故也。

右一字诀，并假令悉是分城元先生所传，百端如用日击而神应，仆参以古经而为编次，并非臆说，强为辩论而欲邀誉于人矣。

### 姓 字

子主姓刘，丑主姓孙田牛，丑加辰为兵，寅主赵、高，寅卯外加亥子姓李，卯主丝竹木、千里，未主构、井、田，辰主山，申主张韩袁候，卯申为刘，辰戌丑未加亥子为王，卯加巳为杞，卯加酉为刘，酉主人为金刀口字又姓刘，丑加巳纪，六合加亥为邓，太阴加酉为吕，天后加子为聂，六合临巳午郝，卯酉相加六合披辛姓关，贵人加酉郑，六合太阴邵，未加子姓姜，卯加寅姓柳，六合加酉姓阎，朱雀螣蛇加寅卯姓李，子卯相加为柳，太阴加土姓周，天罡加勾陈姓庞，月将加酉姓时，辰加寅姓翟，神后临卯姓蔺，寅卯相加宋林，天罡加酉姓龚，六合加子姓孔加巳为杞，六合临酉为兰，青龙加卯姓关，卯加未为开，子加丑为孟。

右一字诀又名玉连环，卢溪徐次宾述，翠微樵隐王顺氏序其端，盖大金人书也。余昔于苕溪，得罗子曼先生所传陈状元玉连环一书，题曰管辂公明撰，与此大略相似，而次序有异，后七言歌章，占风雨等论旧馆兵失去久矣。子曼亦以江西再不复见，今录是书有动厥中不能无慨叹耳，次宾云中间，假令悉是分城元先生所传，不知次宾于分城为何人耶，知之者必有教诸，然嘉言妙理必有原委，要当参透何必考为何人也。

洪武丁巳五月端阳后一日 松江朱恒 识